



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,
Orthodoxorum Medicorum Patrono.



QUÆSTIO MEDICA,*
QUODLIBETARIIS DISPUTATIONIBUS,
*manè discutienda in Scholis Medicorum, die Jovis secundâ mensis
Decembris, anno Domini M. DCC. LXXIII.*

M. PETRO CHEVALIER DE LA HAMONNAYE,
Doctore Medico Præsidente.

An incipienti Pleuritidi aliquando Emeticum?

I.



ERICULOSIS affectibus Pleuritidem annumerare ne addubites; in eo si quidem inhæret lateri lethalis arundo: eorum quos misit ad plures vix reperias numerum: nullus in hominum vitam invadit frequentius; morbus est omnium anni temporum; Hyeme grassatur & Æstate, Vere & Autumno, frequentius tamen Hyeme, & Ver inter & Æstatem; cuilibet familiaris regioni: sive sis Colchus an Assyrius, Thebis nutritus an Argis, perindè illi obnoxius es; æquo pulsas pede masculum & fœminam, juvenem & se-

* Anno 1743.

2

nem, licet huic ut plurimum sit lethalis ob virium infirmitatem, illi verò maxime, periculosus propter mali vehementiam: Pleuritidis duplicem constituerunt speciem, non à materiâ nec à causâ morbi, sed à parte laborante sumpto discrimine; veram dixerunt, inflammationem membranae costas succingentis, pleuram vocant; spuriam verò, quæ musculis meso-plevriis insidet; quemlibet lateris dolorem pro Pleuritide habere errare est; afficiunt thoracem dolores atrocissimi, à quibus abesse appellaveris immerito; horum enim signa ut & causæ sunt diversa; at legitimæ & nothæ Pleuritidis causæ, signa, symptomata ferè sunt eadem; in illâ tamen graviora sunt omnia, in hac verò remissiora; non enim adeò urget febris acuta, quæ utriusque est assidua, respiratio nec tam difficilis, etsi crebra & parva, & latere petitus imo spiritus, pulsus nec ita durus & tensus, licet inæqualis & frequens. dolor lateris non aequè pungens & distindens, sed pressione & decubitu exandescens, quod in verâ Pleuritide minimè accidit, quia morbus internus; unde decubitus in latum ægrum facilis, in sanum verò maxime molestus & gravis; deorsum enim propendens tumor, pondere membranam distendit & dilacerat.

I I.

APTE si curare volueris, morborum nihil te fallat origo, & caveas pro Junone nubem corripere; sælix sanè qui potuit malorum cognoscere causas, quas caliginosâ premit nocte, non solum natura, sed & systematum Logodædaleorum farrago mirabilis, fingendique & opinandi effrænata libido. In morbis hic suum commendat Archæum, quem iratum enixè studet placare, furem mulcere, territum confirmare; at quis hæc Chinæras spectraque volentia non diceret? Ille toto crepat ore fibrarum corrugationes, crispaturas, Erethismum. Hæc autem omnia morborum effectus, non causas quis non videat? Fœtus, non parentes? Opera, non opifices? Quid enim habent quod non acceperint à fluidis solida seu fibræ? Quorsum igitur iis tantum arrogare? Qui in venis & arteriis laudabilis est sanguis, dum purus liberè fluit, nullique non aptus usui, si momento moveri desinat, vitium caput, sitque nudis & indigesta moles, morbos tantum apta producere; in his quidem vitari solida lubens fatebor, sed vitium à fluidis mutuari, Fabio vel Iudice vincam. Reclamas? Miror equidem! Exemplo sit Pleuritis; hanc sanè non aptius, quam ab inspissatâ sanguinis diathesi, aut quorundam, ex quibus conflatum humoribus repetes; sive enim frigore à balneo, refrigeratione à violento motu, aëre & potatione frigidiori, serum madefaciendæ pleuræ dicatum seu perspirationis materies lentorem & crassitiem solito majorem acquirant, hinc tum infarctum & dilatationem pleuræ vasculorum, tum vicinorum sanguinis vasorum compressionem, tum demum ipsius moram, quin & efluxum, proximum inflammationis auctorem, facile deduces. Non igitur Pleuritidem committant tonica vasorum *strictura*, coarctatio spasmodica, fortior villorum elater, fibrarum oscitatio crebrior, petulans, nec reorum delicta fluidorum luat immerita solidorum vis systaltica, cum quidquid habet vitii, fluidis acceptum referat.

I II.

MORBOS plerosque à morbis discernere difficile quidem: sed eorum causas, ut plurimum, intricatas evolvere, & apricum proferre adhuc difficilius: nec nisi verè Medico datur. Hic in causæ proximæ diagnosi non quiescit otiosus, sed ulterius & ad fontem mali progreditur. Hinc affectus specie profus similes, re & origine diversos distinguit; nam mobilis est & varia malorum natura.

Nec morbum curare contentus, illius causam subducere satagit. In Pleuritide pleura inflammatorio tumore tentatur; hic venæ sectionem repetitam dubiò procul postulat: ad hæc attendat Medicus necesse est; sed præterea quis modus inflammationis, quæ sanguinis crasis, quale illius vitium, æstimanda; & si quidem viscidus & crassus sanguis tumorem produxerit, si stomacho tumultum lenta ferat pituita, si ille vinoque ciboque fervet, si corpus hesternis onustum vitii una prægravat animum, atque humo affigit divinæ auræ particulam, hæc sanè Emeticum indicant, quicquid in contrarium clamitent nonnulli; illud in his casibus periculosum esse fuge suspicari; hoc primarum viarum educet saburrâ, summi mali materiam, quæ infirmo capiti, quin & pectori fluet utilis, utilis alyo; quippe illa pondus est noxium, quo sublato profiliet sui compos natura, frænis remotis.

I V.

DE Anacatharsi equidem quid malè cogitas, quæ malum altis defixum radicibus evellit & eradicat? Quid times, cæco ductus præiudicio, turbas & procillas à remedio motos componente fluctus? Quid vereris irritationem à medicamine mali irritamenta subducente? At, ais, benigniora etiam vomitoria stim, calores, tormina, & sexcenta alia solent movere? Ab his sanguinis motus intenditur? Etsi hæc locum habeant in iis, quibus siccam ardè jecur, & inquietis bilis inæstuat præcordiis, quorum sanguis fervidus ad exandescentiam pronus. At in morbis à lymphâ inspissatâ, & sero recundante oriundis; in quibus molestia est pituita, ut aliquando evenit in Pleuritide, mala quando copia ægrum sollicitat stomachum, & primas inquinavit vias, fonte hoc derivata clades in pectus fluit, tùm in Emetico stat tutissima salutis anchora, omnemque prælibatis venæ sectionibus, paginam adimplet. Analogissimum desideras? In dysenteria, quàm Pleuritidi valde affinis quidam observarunt, sæviunt dolores atrocissimi, adsunt fibrarum tensiones, vellicationes, contractiones, quæ omnia vomitorio, radice nempe brasiliensi, semeladhibito, sæpe numero sedantur, compescuntur: hac ratione Kermes minerale, remedium non quidem novum, sed quod, cùm aliquandiu, nescio quo fato, quasi obsoletum fuerit, nuper à quibusdam renovatum est, & Regis liberalitate vulgatum, in Pleuritide & peripneumoniâ prudenter usurpatum, etiam circa initia mira prestat, tantum valet in morbis vis Emetica.

QUI Medicum se proficitur morbum curare debet, non neglectâ causâ, quâ sublatâ sæpe sæpius hic tollitur, aut si superstiti facilius debellatur, profligatur. Si Pleuritidem cum sedâ ventris proluvie conjunctam advertas, si morbum peperit cibus imperfectus & ardenti hærens stomacho, in hoc educendo una manet salus; sed quid istas auferet luxuriæ sordes? Huic scopo collimare si velis, & optatam studes metam contingere, propera saginis laxare stomachum, ut crudi ponant succi pericula, & libitinam evadat æger; hunc in finem Emetico nihil præstantius, hoc primam eruet mali labem; primis ergo temporibus (nam in festinatione securitas; nec cunctando in Pleuritide rem restitues) celebratis aliquibus venæ sectionibus, si audacem in illo præscribendo te præsteris, innumera avertens symptomata omne feres punctum, & metuenda pelles pericula; alioquin multa renascuntur, quæ sanguinis missione cecidere, sopitque ignes fuscitabuntur. Nec te ab hoc instituto deterreat antiquitas, mendosâ Hippocratis interpretatione,

obscata : (a) Concocta purgare & movere oportet , non cruda , neque in principiis , nisi turgeant ; raro autem turgent . Turgent igitur aliquando , & tunc , teste Hippocrate , movenda sunt incipiente morbo ; sed quò maxime vergunt ducenda , & per loca convenientia , ut nihil invitâ facias Minervâ : hoc Artis opus , dùm naturam obsequentem reperit , parataque omnia , morbi auspicatos contundit impetus ; sed in iis dijudicandis cautus sis ; in acutis enim *judicium difficile , experimentum periculosum* : hæc non sunt tyronis & imperiti , cui natus nullus est , nec discipulo Philippi committenda ; sed majoribus curanda Medicis nempe exercitatis , qui cernant acutum , & sapientibus ; nam medendi rectè sapere est fons & principium .

(a) Hippocr. aph. 22. sect. 1

Ergo incipienti Pleuritidi aliquando emeticum.

DOMINI DOCTORES DISPUTATURI.

M. Natalis Nicolaus MALLET.

M. Marinus-Jacobus-Clarus ROBERT , Serenissimi Ducis Bipontini Archia-ter , nec non à Consiliis & Secretis.

M. Petrus-Josephus MACQUER , Regiæ Scientiarum Academia Socius & Censor Regius

M. Franciscus-Ludovicus-Thomas d'ONGLÉE.

M. Maximilianus-Josephus LEY S.

M. Josephus-Maria-Franciscus LASSONNE , Regis in Sacro Consistorio Consiliarius , Regiæ Scientiarum Academia Socius , Regii Medicorum Nanceianorum Collegii Socius Honorarius.

M. Guillelmus FUMÉE.

M. Joannes DESCOMET , Censor Regius.

M. Julianus BUSSON , Noscomiorum Regiorum in Britannia Inspector & Serenissima Comitissæ Atribatenfis Medicus Primarius.

Proponerebat Parisiis JOANNES-JACOBUS DELAPORTE , Parisinus , Doctor Medicus Mospeliensis , nec non Saluberrimæ Facultatis Medicinæ Parisiensis Baccalaureus , A. R. S. H. 1773. A SEXTA AD MERIDIEM.

Typis QUILLAV , Saluberrimæ Facultatis Medicinæ Typographi. 1773.